


खुदर गे बाइबल एद'अना

आलास हीं थोमथोमरना शुरू।



तरती तूड़तारकी र'ई: Edward Hughes

तरती कमतारक'आ र'ई: Byron Unger; Lazarus
Alastair Paterson

तरती हो'अतारकी र'ई: M. Maillot; Tammy S.

तरती उल्था नन्तारकी र'ई: इसान निंगहय नामे तूड़आ

तरती कमतारकी र'ई: Bible for Children
www.M1914.org

©2021 Bible for Children, Inc.

लाइसेंस: इदिन मल बीसना गूटी, निंगहय गुसन ई कहानीन
काँपी महले प्रिंट नन्ना हीं हक र'ई।

1


धर्मस हुरमीन कमचस! एकाबारी धर्मस
पहिला आलास आदमसिन कमचस,होले
आस तंग आली हच्वा गने अदन बडगी नु
र'आ लगियस। अबडर आ उल्ला गूटी
धर्मस हीं पे:सकन मेनर अउर आस गने
र'अनुम खुशमारनुम
र'आ लगियर.....



2

“एन्द्रा धर्मस निंगन
बाचक'आ रहचस का
नीन हुरमी मन्न ता
खंजपान अमके मोखा?”

नेरद हव्वान मैजा। “एम हुरमी खंजपान मोखा
ऑगदम लिकिन ओन्टा, “आद आनाकिर्ताचा, “अगर
एम आ खंजपान छुवार'ओम महले मोखोम होले
एम खे: ओम कालोमा।” “नीन
मल खे: ओय,” नेरद अलखिया।
“नीन धर्मस लेखा मनोय
कलोया।” हव्वा आ मन्न ता
खंजपान मोखा बेददा लगिया।
आद नेरै ही कत्थान मैजा
अउर खंजपान मोक्खा।



3

हव्वाद धर्मस ही कत्थान तांइचक'आ
खोखा, आद आदमसिन हूँ खंजपान
मोखा गे उकसाचा। आदमस गे
“मला! एन धर्मस ही पे:सकन मल
तांइ'ओन” ब'अना रहचा।”



4



एकाबारी आदमस अउर हव्वा पाप नंजर,
अबड़ा दुयो झन अक्खर केरर का आर लगटे र'अनर।
अबडर डम्बारी अत'खन ओज्जर की तमन ढपचर अउर
धर्मस ही बरना ती आर झुपड़ा नु नुखरर केरर।


5

पुतबारी ता पंडय्या बेड़ा नु धर्मस बडगी नु बरचस।
आस अख'आ लगियस का आदमस अउर हव्वाद
एन्देर नंजक'आ र'अनर। आदमस हव्वान दोषी
ठहराचस। हव्वाद नेरन दोषी ठहराचा। धर्मस
बाचस, “नेरै शर्पारकी र'ई। खदद जन्म'ओ
बारी मुक्का गे कष्ट मनो।” “आदम, नीन
पाप नंजकय, ओंगे खेखेल राजी शर्पारकी
र'ई अच्च अउर अच्च खोप्पा ती।




नीन निंगहय रोजेम ता
ओना-मोखा गे खट'ओय
अउर पसीना चुरुख'ओया।”

6



धर्मस आदमस अउर हव्वान
हयकटकुना बडगी ती ओत्थस
चिचस। आर जिनगी चि'ऊ
धर्मस ती फरके मंजक'आ
केरक'आ रहचर, एन्देरगेका
आर पाप नंजक'आ
रहचर।

7



धर्मस आरिन बहरी उडय्या गे
ओन्टा लघर्ना तलवडर कमचस।
धर्मस आदमस अउर हव्वा गे
चपटा ती कुडता कमचस। धर्मस
एस्तेक चपटान होच्चक'आ
रहचस?

8

जोक्क बेड़ा खोखा, आदमस अउर हव्वा हीं एड़पा नु ओन्टा परिवार कुन्द्रा। आर हीं पहिला खददस कैनस ओरोत माली रहचस। आर हीं दुसरा खददस, हाबिलस, ओरोत ग्वाला रहचस। उन्दल कैनस धर्मेस गे भेट चि'आ गे जोक्क सब्जी ओन्द्रस। हाबिलस तंगहय हुरमी ती


दाव भेंडोने धर्मेस गे भेट चि'आ गे ओन्द्रस।

हाबिलस हीं भेट ती धर्मेस खुशमारस।



9

कैनस हीं भेट ती धर्मेस मल खुशमारस। कैनस अज्जम कयरारस। लिकिन धर्मेस बाचस, "अगर नीन अदिनीम ननोय एकदा ठीक र'ई, होले एन्द्रा निंगन ग्रहण मल नंतार'ओ?"



10

कैनस हीं कयर मल इतिया। जोक्क बेड़ा खोखा खल्ल नु आस हाबिलस मंड्य्यां हमला नंजस-अउर आसिन पिटयस चिच्चस।



11

धर्मेस कैनसिन बाचस, "निंगडीस हाबिलस एकसन र'अदस?" "एन बलदन," कैनस ठकचस। "एन्द्रा एन इंगडीस हीं ईरू-खूज हेकदन? धर्मेस कैनस हीं खल्ल-उखुडी नन्ना हीं संवगन बचर की आसिन भटकार'ऊ कमचस की सस्ती चिच्चस।



12

कैनस धर्मेस हीं मुन्दहारे ती चाइल केरस। आस आदमस अउर हव्वा हीं तंगदन बैजरक'आ रहचस। आर ओन्टा परिवारन पौसर-परदर। चांड़ेम, कैनस हीं नती-नत्तगुर नगरन निंदचर चिच्चर एकदन आस कमचक'आ रहचस।



13

ई बेड़ानुम, आदमस अउर हव्वा हीं परिवार चांड़े बढेर'आ हेलरा। आ उल्ला नु, आलार अक्कुन ती बग्गे उल्ला गूटी उज्जा लगियर।



14

एकाबारी अदिहीं तंगदस शेतस कुन्द्रस, हव्वा बाचा, "धर्मस एंगा हाबिलस हीं अंडा नु शेतसिन चिच्चस।" शेतस धर्मी आलास रहचस, ने 912 बछर गूटी उज्जियस अउर आस हीं ढेरियेम खदर रहचर।



15

खेखेल राजी नु एकन्ने-एकन्ने ओन्टा पिढ़ही नन्ना पिढ़हीन मानते केरा, आलार बग्गेम बिगडारते केरर। अन्तले, धर्मस आल जाइतन नाश नना गे सोच्चस अउर हुरमी जानवर अउर ओः डा गुट्ठी। धर्मस आल कमचस की पसतारस। लिकिन ओरोत आलास



धर्मसिन
खुशमारताचस

16

ई आलास नूहस रहचस। शेतस हीं खंदन ता, नूहस धर्मी अउर निर्दोष रहचस। आस धर्मस गने ईकयस। आस तंगहय तीनों खददारिन धर्मस हीं पेःसकन मेना गे सिखाबाचस। अक्कु धर्मस नूहसिन हयकट अउर खास तरीका ती नलख नु ओन्द्र'आ गे सोच्चस।



17

आलास हीं थोमथोमरना शुरु।

धर्मस हीं बचन ती ओन्टा खीरी, बाइबल,

इय्या खक्खरी'ई

सिरजन 3-6

"निंगहय बचन हीं बखडे बिल्ली चि'ई।"

अस्सना पड़ना 119:130

18

मुंजरा

2

60

19

इबड़ा बाइबल खीरी नमन नमहय हयकट धर्मस हीं बारे नु तिगी, ने नमन कमचस अउर आस चहदस का नीन आसिन अख'आ।

धर्मस अखदस का नाम मलदाव नलख नंजक'आ र'अदत, एकदन आस पाप ब'अदस। पाप हीं सस्ती खे'अना हेके, लिकिन धर्मस निंगन अज्जम चोन्हा नंदस औंगे आस तंगहय ओन्टा एकला तंगदस यीशुसिन तइय्यस का क्रुस नु खे'ओस अउर निंगहय पाप गे सस्ती खक्खोस। तेकर यीशुस उज्जा चोचस अउर तंगहय एडपा मेर्खा राजी केरस! अगर नीन यीशुसिन पत'ओय अउर निंगहय पाप गे छमा ने'ओय, होले आस छमा ननास चि'ओस। आस अक्कुन बर'ओस अउर निंगहय जिया नु र'ओस, अउर नीन आस गने जिनगी जुग उज्जोय।

अगर नीन इदिन मानिम पत'अदय होले इदिन धर्मस ती ब'आः अना यीशु, एन पत'अदन का नीन धर्म हेकदय, अउर एंगहय पाप गे आल बंचकय की केचकय, अउर अक्कुन उज्जने र'अदय। सोगगे एरर की एंगहय जिनगी नु बरा अउर एंगहय पापन छमा नना, एकातुक अक्कुन एंगहय पुना जिनगी मनो, अउर उन्दुल निंगहय गने जिनगी जुग र'ओन। एंगन निंगहय खद लेखा निंगहय कथान पेःसर'आ गे अउर निंगा उज्जा गे सहारा चि'आ। आमीन।

रोजेम बाइबल पढ़'आ अउर धर्मस गने कसनख'आ! योहन 3:16

20